

SWYDDOG CYNNAL YMDDYGIAD, 3-19

37 AWR YR WYTHNOS, ADEG TYMOR YN UNIG



www.bropedr.ceredigion.sch.uk



HYSBYSEB

Annwyl Ymgeisydd,

Diolch mawr am ddangos diddordeb mewn Swyddog Cynnal Ymddygiad yn Ysgol Bro Pedr.

Ysgol dwyieithog yw Ysgol Bro Pedr a rydym yn ymfalchïo yn y ffaith ein bod yn un o ysgolion cyntaf 3–19 Cymru, ac yn torri tir newydd o ran darparu addysg gydol oed ar gyfer ein disgyblion. Er bod nifer o ddisgyblion yn cychwyn yn yr ysgol yn 3 oed, daw nifer yn ogystal o ysgolion cynradd partner eraill o'r Awdurdod Lleol ac o Awdurdod Lleol Sir Gaerfyrddin. Mae 960 o ddisgyblion ar rôl yr ysgol – 321 o ddisgyblion Meithrin i flwyddyn 6 a 639 o ddisgyblion Blwyddyn 7–13 (sy'n cynnwys 79 o ddisgyblion ym mlwyddyn 12 a 55 o ddisgyblion ym mlwyddyn 13).

Daw 69.4% o ddisgyblion yr ysgol o gartrefi lle na defnyddir y Cymraeg. Mae'r disgyblion yn cael eu ffrydio'n ieithyddol, gyda dosbarthiadau cyfrwng Cymraeg a dosbarthiadau Cymraeg Ail-laith ym mlynnyddoedd 3–13. Mae'r ysgol wedi mynd trwy ymgynghoriad llwyddiannus yn ddiweddar sy'n golygu bod ein disgyblion Dysgu Sylfaen i gyd yn derbyn eu haddysg trwy gyfrwng y Cymraeg yn unig. Ar hyn o bryd, mae 24.5% o'n disgyblion yn hawlio prydiau ysgol am ddim (20.97% o'n disgyblion oed uwchradd a 31.7% o'n disgyblion oed cynradd). Ar hyn o bryd, mae 15 o ddisgyblion sydd mewn gofal yn mynychu ein hysgol ac mae 16 o ddisgyblion yr ysgol yn ofalwyr ifanc. Hefyd, mae 10.1% o'n disgyblion â Saesneg fel iaith Ychwanegol, sy'n uwch na'r cyfartaledd cenedlaethol. Mae'r ganran yn is o fewn yr oed cynradd (9.03%) o'i gymharu â'r oed uwchradd (10.64%). Rydym yn falch iawn o'n cymuned cynhwysol yn Ysgol Bro Pedr a rydym yn darparu'n llwyddiannus ar gyfer ystod lawn o alluoedd a chefnidiroedd.

Lleolir Canolfan Y Bont, sef adnodd sirol ar gyfer disgyblion o oed uwchradd ag anghenion amrywiol (ASD, SLD, PMLD, MSI), ar safle'r ysgol. Mae'r ganolfan yn rhan lawn o'r ysgol, ac mae'r disgyblion ar rôl Ysgol Bro Pedr. Yn ogystal, sefydlwyd uned Sgiliau Bywyd sy'n darparu ar gyfer disgyblion ag anghenion addysgol lled ddwys a disgyblion ymddygiadol bregus a chynigai barhad a dilyniant i rai o ddisgyblion Canolfan y Bont lle'n berthnasol ac ymarferol. Mae yna 11 o ddisgyblion yn mynychu Canolfan Y Bont a 21 o ddisgyblion yn mynychu Sgiliau Bywyd, ar hyn o bryd.

Mae Tîm Arwain Ysgol Bro Pedr yn cynnwys: Pennaeth, Dirprwy Bennaeth, dau Bennaeth Cynorthwyol, Arweinydd Lles ac Arweinydd Cynnydd.





PROSES YMGEISIO

● Dyddiad Cau Dydd Mercher, 6ed o Awst 2025

● Cyfveliadau Dydd Mercher, 13eg o Awst 2025

● Dyddiad Dechrau Cyn gynted â phosib

Mae Diogelu ac Amddiffyn Plant yn flaenoriaethau allweddol i Gyngor Sir Ceredigion. Ein nod yw cefnogi plant a phobl ifanc bregus er mwyn sicrhau eu bod mor ddiogel â phosibl. Mae ein hysgolion wedi ymrwymo i ddiogelu ac amddiffyn pob plentyn, a byddant yn cymryd camau i ddiogelu'u lles a chydabod eu hawl i gael eu hamddiffyn. Caiff hyn ei gefnogi gan ethos cyffredinol yr holl ysgolion. Bydd angen gwiriad Y Gwasanaeth Datgelu a Gwahardd ar gyfer y swydd hon.

Bydd yr ymgeisydd llwyddiannus yn cwrdd â holl ddisgwyliadau'r safonau proffesiynol ar gyfer addysgu ac arweinyddiaeth. Mae medrau cyfathrebu rhagorol, yn y Gymraeg a'r Saesneg, ar lafar ac yn ysgrifenedig yn hanfodol ar gyfer y swydd yma.





SWYDD DDISGRIFIAD

TEITL Y SWYDD – SWYDDOG CYNNAL YMDDYGIAD, 3–19

CYFLOG: LEFEL 4

Mae Ysgol Bro Pedr yn chwilio am berson brwdfrydig ac egniol sy'n meddu ar sgiliau rhyngbersonol da i ymgymryd â'r swydd uchod adeg y tymor yn unig. Mae'r swydd yma'n swydd barhaol.

Tasgau Penodol

Prif swyddogaeth y swydd hon bydd cynorthwyo'r Pennaeth Cynhwysiant i reoli a rhedeg y POD (Parchu Oriau Dysgu) o ddydd i ddydd. Disgwylir i'r ymgeisydd llwyddiannus ymgymryd â'r dyletswyddau canlynol:

- Rheoli, goruchwyllo a diogelu disgyblion y POD yn ddyddiol, gan gynnwys cefnogi datblygiad cymdeithasol, emosiynol, ymddygiadol a moesol y disgyblion tra'n cynnal ymddygiad positif
- Mynd i'r afael ag ymddygiad amhriodol yn effeithiol gan ddefnyddio strategaethau adferol, person ganolog a chynhwysol, yn unol ag egwyddorion Ymarfer Perthynol Paul Dix
- Cefnogi systemau'r ysgol er mwyn darparu amgylchedd dysgu rhagorol
- Cefnogi'r Uwch Dîm Arwain a'r Pennaeth Cynhwysiant gyda systemau ymddygiad a chlod yr ysgol
- Datblygu rhaglenni ar y cyd gyda'r Arweinwyr Cynnydd a Lles ac unrhyw staff perthnasol arall gan ddefnyddio asiantaethau allanol i gefnogi ymddygiad cadarnhaol, gan gynnwys: rheoli dicter, cyfiawnder adferol, datrys gwrthdaro, datblygu hunan barch a.y.y.b.
- Cyfathrebu â rhieni ynghylch materion ymddygiad, gan gynnwys cyfarfod â'r rhieni a'r disgybl i greu Cynllun Cymorth Ymddygiad a chynnal cyfarfodydd person ganolog ar y cyd gyda'r tîm lles
- Gweinyddu a rheoli'r broses tynnu allan o wersi ynghyd â dogfennaeth myfyrio disgyblion
- Cyfathrebu gyda'r Uwch Dîm Arwain, Arweinwyr Cynnydd a Lles a'r Pennaethiaid Adrannau/Ardaloedd er mwyn annog ymddygiad cadarnhaol
- Darparu cymorth fel bod disgyblion ag anawsterau ymddygiad, emosiynol a chymdeithasol yn gallu cael mynediad effeithiol i'r cwricwlwm
- Mynychu cyfarfodydd rheolaidd y Tîm Bugeiliol a Lles
- Sicrhau a darparu goruchwyliaeth o'r POD yn ystod y dydd, gan gynnwys amseroedd egwyl a chinio (fe fydd deiliad y swydd yn cael hanner awr i ginio bob dydd)

Disgwylir agwedd hyblyg at ddyletswyddau'r swydd, gan fod anghenion y gwasanaeth yn newid. Fe wneir hynny'n unol â gofynion yr ysgol a'r swydd ac yn dilyn trafodaeth gyda deiliad y swydd.

- Mae'r gallu i weithio drwy gyfrwng y Gymraeg yn hanfodol ar gyfer y swydd yma.





EIN PRIF FLAENORIAETHAU 2025–2026

PRESENOLDEB

Gwella presenoldeb

PARODRWYDD I DDYSGU

Gwreiddio diwylliant ymarfer perthynol i hyrwyddo agweddau
cadarnhaol tuag at ddysgu.

DYSGU AC ADDYSGU

Sicrhau cysondeb yn ansawdd adborth ar waith a'r lefel her i gael
effaith gadarnhaol ar safon gwaith disgyblion

Y CYMRAEG

Cynyddu'r defnydd o Gymraeg achlysurol yn y gwersi cyfrwng
Saesneg er mwyn annog disgyblion i ddefnyddio'r Gymraeg yn fwy
hyderus.